

中國地方志集成

河北府縣志輯 ⑥⑥

民國磁縣縣志

民國邢臺縣志

民國寧晉縣志

上海書店 ● 巴蜀書社 ● 江蘇古籍出版社

增修磁縣志序



蓋聞敷陳經制傳後必期夫信今著萃前聞徵文尤重於考獻自昔有清全盛以迄設局編修
 泊乎宣統初元亦詔各省分行脩志夫縣之有志猶國之有史關係素重豈容忽略哉查事變而後
 茲事未遑殘缺相沿兩略已其偷不及時纂錄何以垂示方來又況時異勢殊體裁之不備鼎新
 革故益事例之難沿考諸已往亦曾設立脩志局從事脩纂惜未克竟全功倏經事變即行停頓事
 雖未成而公帑已耗鉅萬前歲希文奉命權豪斯邑下車伊始經各上臺及友軍各長官當以
 縣志見索乃積極蒐集不期廢時兩月始以重價覓得舊志一函足見鳳毛麟角已成絕無僅有之
 勢其時也即擬參攷舊志及前脩志局編而未完諸書重行補脩付梓既以種種關係蹉跎迄今本
 年春間甫組織脩志委員會以高小薛明軒校長等擔任脩志委員三閱月草創告成雖非完璧亦
 可略具規模耳是爲序

中華民國三十年歲次辛巳六月中旬磁縣知事黃希文謹撰

磁縣志序

一




文希黃事知縣縣磁

黃公英傑小傳


黃公希文字英傑奉天復縣人現年三十九歲賦質聰穎生性豁達少嘗負笈東瀛就讀多年卒業於東京中央大學歸國後涉身政界歷充成城縣第二科科長冀東政府教育廳觀察冀南道公署秘書冀皇縣知事認真公務不辭勞怨治理冀皇正值變亂之餘民氣大傷黃公體念衆艱力圖拯濟凡百政策莫不剴切刷新日趨明朗因之口碑載道政聲沸騰旋於民國二十八年春三月榮陞磁縣知事接篆後鑒及磁邑西臨山脈衆稱匪窟欲想拯民水火施行王道要以肅清匪患爲前題爰即整頓警團擴充武力躬率隊兵討伐西部凡大小激戰數十次莫不身先士卒勇氣倍發且指揮有節剿除得法終致匪潰他揚消聲歛跡匪亂既除地方安靖隨即推行善政革故鼎新關於民財建設教無不處壘壘宜井井有條再黃公精熟日語善於交際凡遇民間痛苦輒自疾首蹙額引爲己任輾轉籌謀必使解除民困而後已以故市野商民歌功頌德仰如生佛咸以黃青天呼之公赴任以來以百計並在大堂左右建築石碑兩座以誌萬世流芳云



縣署正門




警 察 所




星 門
(孔 廟 正 門)




樓 鼓



洞 龍 黑



響 堂 寺



疑 塚
(二十七疑塚之一)



橋 陽 盜
(關 南 城 縣)

磁縣縣志凡例

- 一、本志編輯大部分材料取材於舊志續志及民國二十年修志局所搜集之志料
- 一、舊志編排以卷計諸多不便本志編排易以章節清楚實多
- 一、本志為注重民生提倡水利起見對於漳滏河渠敘述力求詳盡
- 一、本志為促進路政起見關於鐵路水路縣路等再三致意
- 一、本志為編輯經濟而免遺漏起見列表頗多
- 一、本志為振興實業起見對於本縣之磁礦農林等一一及之
- 一、本縣武廟雖付缺如而祠祀章特予注意者一欲振起國民尚武精神一欲吾人知武廟之梗概而發景仰也
- 一、本縣八景本擬附以照片因拍照未能故仍依樣葫蘆
- 一、本志對於舊志之繁冗者刪之精粹者存之不足者補之雖非完璧相差無幾
- 一、本志為宣揚東方文化提倡固有道德起見對於名官鄉賢節孝義行等力求詳盡
- 一、本志為使閱者對於某種事項有整個認識起見關於有關係之藝文完全附錄以資參

磁縣縣志

凡例

考

一、本志於公餘之暇會促成就誤謬之處在所難免高明諒之

李相卿
黃希文
薛明軒
杜耀華
謹識

磁縣縣志目錄

第一章 疆域

第一節 沿革

第二節 位置 境界

第三節 地勢

第四節 氣候

第五節 村庄 戶口

第二章 山川

第一節 山脈

第二節 河流

第三章 營建

第一節 城池

第二節 縣公署

磁縣縣志

目錄

第三節 倉廩

第四節 樓閣

第五節 穿城渠

第六節 糧市街

第七節 書院

第八節 鐵馬橋

第四章 名勝

第一節 八景圖

第二節 八景說明

第三節 名勝題詠

第五章 古蹟

第一節 遺址

第二節 樓臺

第三節 寺廟

第四節 陵墓

第六章 祠祀

第一節 文廟

第二節 武廟

第三節 已廢祠宇

第七章 風俗

第一節 民生

第二節 習尚

第三節 禮俗

第四節 歲時習俗

第八章 物產

第一節 煤

第二節 陶器

第三節 工藝產品

磁縣縣志

目錄

第四節 農產品

第九章 宗教

第一節 孔教

第二節 佛教

第三節 回教

第四節 道教

第五節 其他宗教

第十章 水利

第一節 西閘

第二節 東閘

第三節 溢流小閘

第四節 東西兩閘啟閉日期

第五節 南風裕華渠

第十一章 交通

磁縣縣志

目錄

三

- 第一節 官道
- 第二節 鐵路
- 第三節 水路
- 第四節 郵政
- 第五節 電話
- 第六節 電報
- 第七節 縣路
- 第十二章 地方制度
- 第一節 行政組織
- 第二節 縣政方針
- 第三節 地方區劃
- 第十三章 教育
- 第一節 明清教育
- 第二節 初等教育
- 第三節 中等教育
- 第四節 社會教育與教育行政
- 第十四章 武備
- 第一節 明清地方武備
- 第二節 游擊隊
- 第三節 警察局
- 第四節 警備隊
- 第十五章 財政
- 第一節 省地方財政
- 第二節 縣地方財政
- 第十六章 官蹟
- 第一節 唐宋元明名宦
- 第二節 清代名宦
- 第三節 民國賢縣令

磁縣縣志

目錄

四

- 第十七章 人物
- 第一節 鄉賢
- 第二節 孝友
- 第三節 義行
- 第四節 烈女 節婦
- 第十八章 救濟事衆
- 第一節 育嬰堂
- 第二節 養濟院
- 第三節 留養局
- 第四節 棲流所
- 第五節 救濟院
- 第六節 慈善團
- 第七節 化春善社
- 第十九章 武術
- 第一節 大紅拳
- 第二節 六合拳
- 第三節 花槍 春秋刀
- 第二十章 災異
- 第一節 宋代以前災異
- 第二節 明清災異
- 第三節 民國災異
- 附錄
- 藝文

磁縣縣志

磁縣知事黃希

第一章 疆域

孟子謂域民不以封疆之界，蓋疆域果無關於輕重乎？歷觀古者化行俗美，由於體國經野，則分疆域以撫有其人民，非徒周知里數也。磁縣幅員所及，延袤百餘里，京漢鐵道貫全境，魏博當其左澤，路抱其右控，昔扼魯魏據燕燕為古今戰守必爭之地，亦北方之要隘也。

第一節 沿革

磁縣在禹貢屬冀州之域，春秋時為晉地，戰國時三家分晉，歸於趙，秦滅趙，歸於秦，漢為魏郡武安縣地。三國及晉俱隸廣平郡。後魏析武安縣置磁縣，屬魏郡。北齊改屬魏，又改隸清河郡。隋初，今彰德府後周武帝割臨水置滏陽縣及成安郡，隋為魏郡。開皇十年，郡廢，隸相州。因地產磁石，始名磁州。以滏陽縣附郭，大業初，州罷，以臨水滏陽屬魏郡。唐武德元年，復為磁州。六年，省臨水入滏陽。貞觀元年，廢州，令屬相州。永泰元年，復置磁州，以臨水縣地改屬義縣。天祐三年，以磁慈音相近，改名嘉州。以滏陽昭義二縣並治之。後復為磁州。五代後梁屬昭義軍節度。後晉屬彰德軍節度。宋熙寧六年，以昭義縣省，入改為滏陽郡。以部屬屬焉。旋改磁州。金仍為磁州。元初，陞為磁軍節度。宋熙寧六年，以昭義縣省，入改為滏陽郡。以部屬屬焉。旋改磁州。金仍為磁州。元初，陞為磁軍節度。

磁縣縣志

第一章 疆域

陽軍節度屬廣平路。後復為磁州。明洪武元年，改屬彰德府。廢滏陽縣，置守禦千戶所。隸屬山西潞州衛。清仍隸彰德鎮。武涉二縣廢，千戶所置磁州營。雍正四年，改隸直隸省之廣平府。民國元年，中央政府通令廢府改州，為縣屬。大名道十七年，廢除道區，直隸省改稱河北省，磁縣歸河北省直轄。二十七年，臨時政府恢復道區，又歸冀南道。統轄茲將其沿革列表於後。

磁縣沿革表

朝代	沿革
春秋	晉地
戰國	趙地
秦	屬邯鄲郡
漢	魏郡武安縣地
三國	隸廣平郡
晉	隸廣平郡
後魏	析武安縣地置臨水縣屬林慮郡
東魏	改屬魏郡

北齊

改隸清都郡

後周

割臨水置滏陽縣及武安郡

隋

為魏郡。開皇十年，郡廢，隸相州。改磁州。以滏陽縣附郭。大業初，州廢，以臨水滏陽屬魏郡。

唐

復為磁州。省臨水入滏陽。貞觀廢州，令屬相州。永泰復置磁州。天祐改惠州。

後梁

屬昭義軍節度

後晉

屬彰德軍節度

宋

熙寧以昭義縣省，入改為滏陽郡。以部屬屬焉。旋復為磁州。

金

仍為磁州

元

初，隸為滏陽軍節度。屬廣平路。後復為磁州。

明

洪武改屬彰德府。廢滏陽縣，置守禦千戶所。

清

初，仍隸彰德府。領縣二：武安、涉。廢千戶所，設磁州。

中華民國

元年，廢府改州，為縣屬。大名道十七年，廢道區，直隸省府歸河北省直轄。二十七年，臨時政府恢復道區，又歸冀南道統轄。

磁縣縣志

第一章 疆域

第二節 位置 四界

磁縣位居冀南，由豫入燕之第一門戶也。漳滏橫流，京漢縱貫，北接京津，南通吳楚，以經緯度計之，縣城居於北緯三十六度三十分，其經度為北京天文台西二度。若以英國格林威士天文台為標準（世界標準），經度則為東經一百一十四度二十九分也。

至其四界及與鄰縣縣城之距離，由磁縣縣城起算，約略計之，則為：

東十里與臨漳縣交界，至其縣城四十里。

南二十里與安陽縣交界，至其縣城七十里。

西南八十里與林縣交界，至其縣城一百四十里。

西一百二十里與涉縣交界，至其縣城一百八十里。


西北五十里與武安縣交界，至其縣城九十里。

北五十里與邯鄲縣交界，至其縣城七十里。

東北五十里與成安縣交界，至其縣城六十五里。

我國舊日測量與地位置多以星圖分野，但象緯之學罕得其精，而歷代術家又多宿度互異，故學者恒以其為幽遠不足道。然古所謂體生於地，精成於天，居列錯時，各有攸屬者，或亦稍有根據歟。

昂畢圖



磁縣縣志

第一章 疆域

第三節 地勢

磁縣西部多山不宜耕種東部沙漠橫亘交通困難南北多平原津流域其南溢水實其中東南二部間有鹽碱之地縣城附近經溢水灌溉尙稱膏壤然西行不過十里卽漸爲高岡山地矣地勢西兩高而東北下故境內踏水皆自西而東北流

第四節 氣候

磁縣氣候概帶海洋性惟西部山嶺綿亘帶大陸性茲按溫度雨量風向三項述之

1. 溫度 磁縣溫度據十九年建設局記載計夏日最高度爲華氏表九十二度冬日最低度爲華

氏表○下十度酷暑嚴寒爲日無幾也（按此溫度疑有錯誤）

2. 雨量 磁縣近數年來雨量不均旱澇時呈春冬二季多旱夏秋二季多雨

3. 風向 磁縣風向冬日多西北風速力每小時三十五哩夏日多東南風其速力一時可達三十

哩然亦時有西北風可至四十五哩之速度再大之風不常見也

第五節 村庄 戶口

磁縣村庄全縣共計四百四十二村劃分五區據最近調查磁縣戶口五區共計五萬六千六百四十七戶男十六萬三千八百六十口女十三萬六千八百八十二口茲將全縣五區戶口及男女人

口統計列表於左

磁縣全境戶口統計表

區別	戶數	人口數	備
第一區	九一六九	二二五五四八二	
第二區	八六八零	二二五七七八九	
第三區	九六零九	二二五二一零五	
第四區	一八八三二	四五一零六九一	
第五區	一零二五七	二二四九一七六	
總計	五六六四七	三六三八八六二	
	女男	女男	

磁縣縣志

第一章 疆域

第二章 山川

古今形勢所在必有扶輿磅礴之氣時而爲高流而爲深融結而環繞然後郡縣之險易繁焉磁地山脈本於太行風氣完固前環漳水後倚賀蘭溢流其左神霄拱其右岡阜嶺崎原野平衍密邇畿甸屏障中州洵河北之要地也登臨俯仰之餘可不悉其綿亘窮其支派以表一方之盛乎

第一節 山脈

甲 鼓山

鼓山在縣城西四十里綿亘與太行山相接古名石鼓山宋永初山川記云有石二狀若鼓形南北相當語云南鼓北鼓相去十五里雲州圖經云郡城西有石鼓鼓自鳴則有兵魏都賦云神鉦遐邇於高帶是也鼓山又名溢山溢水湧出山麓魏地記云溢口山即魏武帝遺棄食肉處太行八陁之第四陁曰溢口陁山嶺高深實爲險扼今人不考山所由名乃指山半響堂寺洞內之石以袖拂之則鳴聲如鼓不知虛則傳聲天下洞壑皆然何必以此名鼓山也

乙 神霄山

神霄山在縣城西四十里形如舊鹿故名與鼓山南北對峙多石巖出泉數十泓如沸上有危亭盛

磁縣縣志 第二章 山川

疊不知炎噴也

丙 賀蘭山

賀蘭山在縣城西北三十里山非高峻而蜿蜒起伏長亘二十里宋賀蘭真人隱居於此因以得名

丁 香爐山

香爐山在縣城西百里磁境路山之最者鼎形削立每晨遠望若有煙氣出其中又名金鼎山

戊 白土山

白土山在縣城西六十里地產白土如粉可繪故名

己 脫甲嶺 驚駝嶺

脫甲嶺在縣城西六十里即鼓山之嶺也隋刺史與建德較兵事不勝棄嶺而解甲立遊於此 驚駝嶺即鼓山南坡相傳金大和間有鳳凰儀焉

庚 牛尾崗 馬頭山

牛尾崗在縣城西南十五里 馬頭山在縣城西三十里

第二節 河流

甲 溢陽河

溢陽河發源於鼓山之麓而上流八字洞澄淫之水亦常入於東南行二里許與黑龍洞水匯其流始大魏都賦註云溢水出神霄山即黑龍洞也其水沸湧如湯在釜隆冬不冰遂以得名經留旺村九龍口路村營東武仕等村凡三十九里半至西開口又東行經尹家橋固城村凡一十六里半達於縣城之南過偃月橋遂繞城東北行經西候召南北中三開河村甘草營高夾村開南村凡三十六里至東開口又北行經琉璃鎮東城橋凡二十五里至閭家渡又北四里入邯鄲縣境

附說

往時漳溢合流在縣城東北五里開河村漳得溢助每於漲溢時大爲民害明成化十一年州判張堉奏其交匯之口疏溢北流而漳河疏徙二水遂分即開河以東地雖低窪亦久無衝決之患矣

今溢水由閭家渡入邯鄲縣境又東北流經過永年廣平曲周雞澤平鄉任縣隆平至寧晉縣之孝口漳溢遂合流爲一至冀縣之王家莊又與神沱河匯其水愈大復經衡水武邑武強至獻縣分而爲二一由獻縣經滄縣交河至青縣入運河過靜海至天津一由獻縣經河間大城文安至西沽入天津與通河相合入海

乙 漳河

磁縣縣志 第二章 山川

漳水之源有二一出山西樂平縣南少山名清漳一出山西長子縣發鳩山名濁漳清漳由黎城縣清串村流至涉縣西毛嶺口入境濁漳由平順縣馮家莊流至林縣西北牛嶺村入境二水同流至涉縣東南田家嘴合而爲一古名交漳口東行二里至吳家河入磁縣西南境從羊城東流至涼村柿園歷帝城鎮上下七垣武吉村至城南驛武城爲官道渡口又東行歷白道等村至城東高縣村入臨漳縣界過銅官台從臨漳東北經河北省之廣平魏縣元城至山東館陶縣入衛河歸運河

丙 忙牛河

忙牛河在城北三十五里其源有二一自本縣蔣村起東流經西彭廟東彭廟西王女東王女等村爲北河一自林境鎮西起東流經西范村東范村爲南河二水至洛子村交會一處合流經東賀蘭西賀蘭白村林峯車角村興盛村所坊營小營郭家莊至東城橋流入溢河

丁 泥河

泥河在城西十五里其源發於泥河村街西從沙石小橋下出泉流百十餘步即止過秋水發時經東武仕西北入溢河

戊 羊渠河

羊渠河在城西三十五里其源發於羊渠河村半里許西北角有一微泉流至村南即止過秋水發

時從村南流至泉頭東南由九龍口西入盞河

己 洞河

洞河在城北四十里發源自河口村經安河村陸開村南張兒莊東北入邯鄲縣北張兒莊歸盞河

庚 黑龍泉

黑龍泉出神醫山石罅中如龍之噴水大者十餘泓餘從沙際泛濫不可勝計所謂百斛珠泉不擇地而出也

辛 盞源泉

盞源泉在城西四十里鼓山之麓湧沸如湯出釜隆冬則氣升騰而溫盛夏則水澄清而冷邑人建晉祠廟於其上故亦名晉祠泉南流一里許與黑龍泉合渦激迅發居民因之作堰安水磨水碾

壬 廣盛泉

廣盛泉在城西四十里西紙坊村西水出神醫山麓東流入盞河此泉湧則泉水湧出旱則無水清光緒末年廣平府李知府以盞河水勢不旺派工開挖民國二十三年本縣孫縣長亦曾派夫挖澄然終無大效

磁縣縣志

第二章 山川

癸 八字洞 海子

八字洞在城西七十里支分派引流為八字東南入盞河
城中積水之處俗稱海子有四一紀家海子在東門內遙南廣約五十畝一董家海子在城內東南隅廣約十畝三張家海子在城內西北隅四寺後海子在西門內遙南廣約五十畝

第三章 營建

瞻金碧輝煌則神明煥發見垣互頹斷則意興索然物質之關於精神猶肉體影響於意志也我磁昔稱繁盛坊表樓亭為畿南最不料道光年間地震為災將所有建築悉為摧毀於今百載迄未恢復舊觀所幸建設已有專科工作費無旁貸此後經營締造或將絕後缺前不可以民窮而漠視之也

第一節 城池

縣城築於趙簡子改築於隋開皇十年修於宋宗澤重修於洪武二十年知州包宗達募土為之至萬曆二十四年知州劉安仁改造外用磚墻內寔以土城周圍八里二十六步高二丈五尺廣一丈四尺五尺五尺三寸有奇原正南北二門更闢東西二門兼造四門樓正德二年知州顧正增南北二重門嘉靖二十六年知州李用中增南北二門城崇禎十一年巡道祝萬齡增東西二門城清康熙四十四年知州蔣振重修
城自蔣振重修之後百數十年來雖尙完固亦間有殘缺道光十年地震則傾圮過甚歷經奉文飭修因工費浩繁暫行停緩同治二年知州高錫康以城郭亟應修築勸捐興工甫將城之東西兩面

磁縣縣志

第三章 營建

修理過半而高牧以去停修同治十年知州程光燧見城工中止乃勸諭捐輸設局重修邀士紳之公正者董其事閱十月而嚴事光緒十一年大雨為災城墻東西兩外墜落地五六段次年興工補修歷五六月而城嗣擇公正士紳組織城工局籌定的款發商生息年息金擇要修補數十年來尙稱完好民國以來駐軍往往拆城用磚城工局取消修城工作由建設局執行城遂逐漸損壞二十三年縣長孫振邦注意建設籌款重修惜未竣工而孫牧又去事變以後傾圮尤甚急待修葺云城濠廣深各二丈明正德六年知州顧正復濠深一丈闊倍之嘉靖四十二年知州栗永爵增堤高一丈五尺廣一丈崇正九年知州李為圻增高一丈八尺清康熙二十四年知州任塾重濠濠溢水人濠沿濠兩岸種柳二千餘株以固堤身康熙三十九年知州蔣振捐俸重濠並勸同城文武沿濠種運以壯觀瞻夏月荷花盛開柳蔭濃密歷來久矣道光年間連遭饑饉貧民挖藕充食并柳為薪此後郭外漸條殊非昔比同治十年知州程光燧捐貲重濠仍請裔植柳逾年裔香柳茂漸復舊觀民國以來軍事頻仍邑令不暇及此以致裔柳漸形殘缺濠堤壞不堪言自偶遊郭外不勝今昔之感

第二節 縣公署

縣公署建於隋開皇十年歷元季毀於兵燹明洪武三年知州周敏重建嘉靖四十二年知州栗永

爵重修規制淺隘歲久將頽清康熙三十二年知州任塾捐俸重修康熙四十三年知州蔣撰奉文修葺州署以備南巡駐蹕因將規制擴充並修兩衙宅署自東西街口建坊起至知州宅後更道止共修建一百三十三間又戒飭坊一座是歲房六間坊五座宏敞整齊迥與舊制不同其前後次第左右佈置有如後圖廨東轄道之左舊為同知廨後改驛馬驛今為警察所廨西轄道之右為州判廨清乾隆十三年奉文州判分防駐紮州西彭城鎮今廢州判廨前為吏目廨道光十年地震坊塌吏目宋廣俱傾圮重修規制較前稍闊咸豐八年吏目施恩囑捐俸重修今為管獄員署吏目廨之南為監獄及獄神祠

清道光十年地震縣署內外房間盡坍塌知州沈旺生請帑重建內則州宅外則大堂客廳儀門大門照牆及各科房悉皆修葺如前惟內宅左右兩邊小房未能一律如舊歷年久遠公廨廳堂多所傾圮民國六年大雨又多損壞民國八年知事劉孟揚補修改建另築男女看守所各一處歷年既久又多損壞傾圮之處民國二十八年知事黃希文大興土木舊者新之朴者起之全署煥然一新矣

第三節 倉庾
甲 常平倉

磁縣縣志

第三章 營建

常平倉舊有廩房三座一十六間年久損壞清康熙三十二年知州康壽遠修補三十三年奉文均貯米穀倉廩不敷詳奉上台飭令赴開封府於各官公捐銀內領銀二百兩再於本倉基內新建廩房四座共二十間雍正五年知州金玉增建廩房五間原儲穀兩萬五千石後全數動用嘉慶二十年知州何道揚倡捐穀五百餘石道光十年地震成災散放淨盡十一年重修四十間光緒六年知州張寶華奉飭勸捐穀重修倉廩五十間儲穀八千七百石二十年大旱成災全行散放歲修經費三百五十兩發商生息嗣後歷為自治會議參兩會軍隊黨部迭次信用非復舊觀事變後拆改為新民會合作社倉庫

乙 四鄉義倉

磁縣四鄉舊有義倉九處始於清乾隆十八年遵照通飭勸諭鄉民在縣屬之胡家庄玉曹北白道漳村路村營城寶壁南城峰峰等村鎮修建義倉勸捐穀儲存以備賑貸歷年久遠各倉間有傾圮嘉慶十九年奉文修葺並令勸捐穀石何州牧勸諭四鄉共捐穀五千餘石儲存道光十年地震各倉皆坍塌其穀石全行散放棄銷無存

第四節 樓閣

甲 鼓樓

鼓樓初名天中第一樓在滎陽坊明弘治十二年知州章啓建築土壘石為高台下留深街通車馬台上建重樓三間左右鐘鼓樓各一間為一城壯觀歲久傾圮清康熙二十四年任塾重修雍正年間以磁州改歸直隸改名義南第一樓迄今二百餘年風侵雨蝕瓦殘缺危險異常民國初年四壁不時傾圮行人望而裹足十一年冬邑人省議會議員陳繼虞及縣議參兩會會員等發起募款重修函請劉知事孟揚廣為勸募十三年四月十二日開工十月二十三日工竣計共費洋四千九百餘元十七年又改修一次並於其上起蓋東西平房各三間改名為中山樓中山圖書館時間簡報社無線電收音處均先後設立其上事變後新民會改設新民茶館於其上

乙 四門樓及魁樓

南門樓曰景嵩樓又題曰南天星斗北門樓曰拱極樓又題曰北門鎮鎮東門樓曰迎旭樓又題曰東關紫氣西門樓曰慶成樓又題曰西嶺雲霞以上四樓清康熙二十四年知州任塾修二十八知州蔣撰重修同治十年知州程光燾重修

奎樓在城上東南隅明萬曆四十六年知州牛維赤建清康熙三十一年知州陳以遠捐俸改建民國七年毀於火今廢

丙 文昌閣及慈雲閣

磁縣縣志

第三章 營建

文昌閣有四一在滎陽坊即滎陽縣門樓改建清康熙三十七年知州蔣撰重修一在東門外石橋西即聚星樓改造一在南關之南康熙三十六年知州蔣撰建一在北關外康熙二十六年知州陳以遠建

慈雲閣在南津橋之南清康熙二十四年知州任塾建

第五節 穿城渠

城內死海八處面積幾占全城之半歲時納穢臭難聞且其中多含硝鹽等質每逢夏秋熱氣蒸騰水呈紅綠各色不特有礙公共衛生而全城井水亦受其影響民國十年劉縣長孟揚乃提倡引導渠水入城變死水為活水以重衛生而壯觀瞻飭築渠局局長王純儒負責辦理此項工程自五月動工將引渠開挖完竣是歲秋雨淋漓物料缺乏遂即停頓十一年繼續進行由縣城西門迤北城下開挖水門一處引水入城兩股分流一股向南繞城西南東三面至東北角開水門一處將水放入城河一股向北分流繞城西北兩面至北門西於城下開水門一處亦將水放入城河至本年五月工程完竣渠水暢流人人稱快

穿城渠計長七里右餘共建隔流一座水門三處礮礮陰溝一百三十丈右奇一切修浚溝渠土工等工料共需京錢叁仟柒百一十餘吊除支用財政所九年度舊存大宗公益捐外不

數之數仍由財政所撥清動工之先縣署出示六言韻文佈告附錄於後

縣署韻文

城內各處死海 積得死水盈盈 終年不能宣洩 塞屬有碍衛生
又有各處道路 不免阻止交通 現擬一併整理 指日即行動工
死海變成活水 道路亦可坦平 所有碍路破廟 全要拆卸一空
事與公衆有益 此舉期在必成 倘或有人阻擾 定行傳案究懲

第六節 糧市街

縣城內糧店舊時散處城內及四關生意既難發展糧額亦多感不便且各糧店或高抬市價而銀兩作價亦往往不遵商會牌示流弊滋多民國十四年三月間勸業所長王純儒迫令各糧店均集集於寺巷街西牛段特名曰糧市街並修墊糧市街道路寬二丈五尺長二百餘步復起建糧店市房二十座修理市房八十間糧房十三座共二十八間上房十二間修理市房二座共二十五間共需京錢六千餘吊十一月工竣令各糧店佔居其內月抽其房賃補益公款亦非淺鮮

第七節 書院

磁縣書院在磁陽坊廢廢久矣清嘉慶十三年知州博爾多於修葺學宮之後轉議興復乃捐金爲

磁縣縣志 第三章 營建

四

倡勸諭捐輸邑之人士翕然從之從九品張世功施五厘三糧地基一段即於其處修建講堂學舍並內院住房一律修齊以餘資爲東修膏火費由是延師主講士樂橫經道光十三年知州盧蘭等復行動捐得制錢六百餘吊發商生息以濟院需同治十年知州程光燧以院中肄業者益衆需費益多乃捐廉以補助之邑人殷富者亦相與觀感從事計集制錢三千六百吊亦發商生息由院中董事按時支取息金又書院舊有地三十畝歲久廢失查出接畝收租仍歸書院於是費用益饒光緒二十五年知州許之軾率文修建行宮備兩宮回鑾駐蹕因修葺書院房舍並於院之東偏空地增建書房五十餘間停科興學即書院地址改設高等小學堂民國以後教育發達學生加多守備署亦併歸學校歷年增建事變以前計共有房舍一百六七十間情事變後爲軍隊及窮民逐漸拆毀今僅存大門內十餘間破屋餘盡成焦土矣

第八節 溢陽橋

縣治南關距城一里許舊有石橋一座名曰僂月橋所以通往來應種何代其制南北建石爲崖中壘石爲欄高約二丈五尺闊三丈長十二丈兩頭耳閣各二狀如蛾眉金太和元至正明正德間屢加修治嘉靖年間山水暴發忽壞其半後漸傾圮殆盡隆慶己巳州牧申佐捐俸爲倡集材重修乃於橋之南北各石其岸氏之齒木堅之鐵鍊架石成梁越二載而工成隆然雄峙儼若飛虹御空長

鯨臥波清道光十年地震坍塌光緒二十四年州牧許之軾勸諭捐輸鳩材遷工從事修葺年餘工竣改名涉利橋惟此次修建主其事者狃於站立橋頭可見城內鼓樓之謬傳極力增高制非舊觀除去四耳閣改建三大圍因橋過高車馬往來極感困難爲便交通而反爲交通障礙殊失古人建橋之本意後雖墊高橋之南北兩端揭去橋頂石層亦屬無益民國二十四年縣長孫公振邦以爲溢陽橋南北孔道真南咽喉爲軍民運輸商賈貿易所必經若不改建何以便商旅乃招集各機關及各村鄉長開會提議改修決議修建款由各村捐募於是年四月動工將原橋拆去重建高度比原橋低減一丈有奇仍建三大圍經四閱月而工竣共需洋七百餘元更名曰溢陽橋橋成車馬經過上如履坦途於是道近稱便頌聲載道

磁縣縣志 第三章 營建

五

第四章 名勝

磁縣名勝頗多而通為潞陽八景者概要以言之也先是明學正山陰劉溫有八景詩副使邑人紀純有六景詩主事汲水李世勳有四景詩互有異同時亦不工自刺史任塾模出成題計分八景每景四字各具圖畫一幅附以律詩一首八景之說於以確定嗣後詞人騷士詠歌抒懷者頗不乏人張爰山有七絕八首楊方冕有五絕八首許喊亦有五絕八首其他各家之題詠殆亦不勝枚分述於後

第一節 八景之圖

磁縣縣志

第四章 名勝

爐峯朝霞



磁縣縣志

第四章 名勝

響堂晚鐘

